

# Inuussutissarsiummik ingerlataqarneq pillugu Inatsisartut inatsisaat

## Kapitali 1

*Atuuffia*

**§ 1.** Inatsit nioqququtissanik tuniniaanermi namminersorluni inuussutissarsiummik ingerlataqarnermut atuuppoq.

## Kapitali 2

*Aalajangersakkat nalinginnaasut*

**§ 2.** Inuussutissarsiummik ingerlataqartut IIN-imi normu kiisalu piginnittup aqqa najugaalu allallugit pisiniartunut ersarissumut allagarsiissapput.

*Imm. 2.* Nuisitsivimmi, saqqummersitsivimmi, timersortartut katerisimaarneranni niuffaffimmilu tuniniaanermi aaqqissuisoq kingusinnerpaamik aaqqissuussinerup ammarnerani inuussutissarsiummik ingerlataqartut aqqi, najugai aamma IIN-imi normua allallugit allattuiffiliorismassaaq. Allattuiffik aaqqissuussinerup matoreernerata kingorna ukiuni tallimani paarineqassaaq aammalu nakkutilliinermut oqartussaasunut piumasarineqartillugu tunniunneqassaaq. Peqataasoq IIN-imi normumik peqarnissamik pisussaaffeqanngippat taamaallaat aqqa najugaalu allanneqassapput.

**§ 3.** Tupanik nioqququtissiat, imigassat 1,21 procentimik annertunermillu alakoornartortaqartut, tipigissaatit aamma kusanarsaatit, imeruersaatit kiisalu sukkulaatinik sukkunillu nioqququtissiat tuniniaavinnit piffissami minnerpaamik qaammatini sisamani ataannartuni minnerpaamik sapaatip akunneranut ataasiarluni tuniniaaviusartuni taamaallaat tuniniarneqarsinnaapput.

*Imm. 2.* Taamaattorli assersuutigalugu niuffaffinnik, saqqummersitsinernik, timersornermik pisoqarfennik saqqummersitsillunilu tuniniaavinnik ingertaqarfiusunut atatillugu nioqququtissanik taakkunangna tunisaqarnermi tamanna atuutinngilaq.

*Imm. 3.* Imm. 1-imi aalajangersagaq nunanut allanut timmisartukkut attaveqarlutik mittarfinni akitsuuititaqanngitsunik – Taxfreenik – tunisinermut atuutinngilaq.

## Kapitali 3

*Nakkutilliineq*

**§ 4.** § 2-mi aalajangersakkap naapertuutsinneqarnissaanik Atuisartoqarnermut Unammilleqatigiinnermullu Aqtsisoqarfik nakkutilliisuuvooq. Atuisartoqarnermut Unammilleqatigiinnermullu Aqtsisoqarfik aalajangersakkamik unioqqutitsisoqarneranik paasinnippat, Atuisartoqarnermut Unammilleqatigiinnermullu Aqtsisoqarfik politimesterimut unnerluusseqqusilluni qinnuteqarsinnaavoq.

*Imm. 2.* § 3-mi aalajangersakkap naapertuutsinneqarneranik Akileraartarnermut Aqtsisoqarfik nakkutilliisuuvooq, aammalu eqqartuussivimmik aalajangiisoqannigkkaluartoq sukumiisumik kinaassutsimut uppernarsaammik takutitsinikkut qaqqumulluunniit nioqqutissanik tuniniaanermik ingerlatsiviusuni inini, biilini il.il. nakkutilliinermik suliaqarsinnaavoq.

*Imm. 3.* Piginnittoq, inuillu tassani suliffeqartuuusut imm. 1 aamma 2 malillugit nakkutilliinerit ingerlannerini oqartussaasunut pisariaqartumik ilitsersuissapput ikuutissallutillu.

## Kapitali 4

### Pineqaatissiisarnermut aalajangersakkat

**§ 5.** § 2, imm. 1-3-mik aamma § 3, imm. 1-imik unioqqutitsinerit Kalaallit Nunaanni pinerluttulerinermut inatsimmi maleruagassat malillugit akiliisitsinikkut pineqaatissiinernik malitseqarsinnaapput.

*Imm. 2.* Pissutsit sukannererusimappata imaluunniit uteqqittumik pisoqartillugu kaaviaartitassatut naatsorsutigineqartumut imaluunniit pissarsiarineqartumut naapertuuttumik akileeeqqusissuteqarluni pineqaatissiisoqarsinnaavoq.

*Imm. 3.* Inatsisartut inatsisaanni akileeeqqusissummik aalajangersaanissamik tunngavissiisoqarsimappat, Kalaallit Nunaanni pinerluttulerinermut inatsimmi maleruagassat malillugit inuit pisussaatitaasut pisinnaatitaasullu akileeeqqusissuteqarnikkut pineqaatissinneqarsinnaapput.

*Imm. 4.* Akileeeqqusissutit inatsisartut inatsisaat malillugit aalajangersarneqartut Nunap Karsianut tutsinneqassapput.

## Kapitali 5

### Atortuulersitsinermut ikaarsaariarnermilu aalajangersakkat

**§ 6.** Inuussutissarsiummik ingerlataqarnermut allagartaqarnissaq inatsisaasuni allani piumasaqaataappat piumasaqaatit taakku IIN-normumik uppernarsaateqarnikkut naammassineqassapput.

*Imm. 2.* Inatsisini allani piumasaqaataappat inuk imaluunniit inatsisit naapertorlugit inuk inuussutissarsiummut allagartartaanissamut piumasaqaatinik naammassinnittoo pineqarpat, piumasaqaat taanna naammassineqartutut isigineqassaaq, Kalaallit Nunaanni pinerluttulerinermut inatsimmi kapitali 36-mi maleruagassat naapertorlugit pisinnaatitaaffiagaasoqarsimannngippat.

**§ 7.** Inatsisartut inatsisaat ulloq 1. januar 2016 atuutilerpoq.

*Imm. 2.* Tamatuma peqatigisaanik Kalaallit Nunaanni inuussutissarsiummik ingerlataqarneq pillugu Inatsisartut inatsisaat nr. 12, 12. november 2001-imeersoq atorunnaarsinneqarpooq.

Kim Kielsen

**Namminersorlutik Oqartussat**

Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut